

## სადაზღვეო დავებისათვის წესები

### რომელიც წარმოადგენს დებულების განუყოფელ ნაწილს

#### 1. დებულების 3-ე მუხლს დაემატოს „ნ“ ქვეპუნქტი:

ნ) სადაზღვეო დავები: დაზღვევის ხელშეკრულებიდან გამომდინარე ან მასთან დაკავშირებით წარმოშობილი დავები

#### 2. დებულების მე-15 მუხლს დაემატოს 15.9 პუნქტი:

15.9. სადაზღვეო დავებზე, DRC-ის სასამართლო როგორც წესი, არბიტრად ნიშნავს პირს, რომელიც DRC-ის არბიტრთა სიაში რეგისტრირებულია სადაზღვეო სფეროში არსებული დავების განმხილველ არბიტრად.

#### 3. დებულების 33-ე მუხლის „ბ“ ქვეპუნქტი შეიცვალოს და ჩამოყალიბდეს შემდეგი სახით:

ბ. საარბიტრაჟო დავა წარმოშობილია საბაკო გარანტიის, საკრედიტო, ან/და მასთან დაკავშირებული სამართლებრივი ურთიერთობიდან (გირაო, იპოთეკა, თავდებობა, მოვალის გარანტია და სხვ.) მიუხედავად სასარჩელო მოთხოვნის ოდენობისა.

#### 4. დებულების 33-ე მუხლს დაემატოს „დ“ ქვეპუნქტი:

დ. სადაზღვეო პოლისის პრემიის გადახდასთან და მისი უზრუნველყოფის საშუალებებთან დაკავშირებული დავები, მიუხედავად სასარჩელო მოთხოვნის ოდენობისა.

#### 5. DRC-ის დებულების დანართი #1 სასამართლოს სტატუსი და შიდა რეგლამენტის მე-5 მუხლს დაემატოს 51 მუხლი

მუხლი 51. სასამართლოს კომიტეტი სადაზღვეო დავებზე და მისი ფუნქციები:

1. სადაზღვეო დავებზე DRC -ის სასამართლოს კომიტეტის შემადგენლობა; სადაზღვეო დავებზე DRC-ის სასამართლოს კომიტეტი შედგება DRC-ის სასამართლოს თავმჯდომარის, სასამართლოს ერთი წევრის და სადაზღვეო დავებისთვის დამტკიცებული სასამართლოს წევრებისაგან.

2. სადაზღვეო დავებზე DRC -ის სასამართლოს კომიტეტის ფუნქციები:

ა. სადაზღვეო დავებზე DRC-ის არბიტრთა სიის დამტკიცებაში მონაწილეობა;

ბ. სადაზღვევო დავებზე საარბიტრაჟო განხილვის პროცესში შექმნილი პრაქტიკის გამოქვეყნება;

გ. სპეციფიკური საქმეების საარბიტრაჟო განხილვის მეთოდის, სახელმძღვანელო წესების შედგენა;

დ. სადაზღვევო დავებზე ტრიბუნალის დანიშვნა, აცილება.

ე. ტრიბუნალის გადაწყვეტილების ფორმალური შემოწმება სადაზღვევო დავებზე.